



অবিলম্বে প্রকাশের উদ্দেশ্যে: 9/7/2021

গভর্নর ক্যাথি হোচুল

জেফারসন কাউন্টিতে ভবিষ্যতে বন্যার ক্ষতি সীমিত রাখার জন্য গভর্নর হোচুলের সংস্কার প্রকল্পের নির্মাণকাজ শুরুর ঘোষণা

বর্জ্যপানি সংগ্রহ ও বিশুদ্ধকরণ প্ল্যান্ট আপগ্রেড করা, পাম্পের সক্ষমতা বৃদ্ধি করা ও জনস্বাস্থ্য রক্ষার জন্য ক্লেটন ভিলেজকে 2.4 মিলিয়ন ডলারের তহবিল বরাদ্দ করা হয়েছে - নির্মাণকাজ শুরু হওয়ার ছবি [এখানে](#) পাওয়া যাবে

স্টেটের সংস্কার ও অর্থনৈতিক উন্নয়ন উদ্যোগ (Resiliency and Economic Development Initiative) এই প্রকল্পের জন্য তহবিল সরবরাহ করেছে

জেফারসন কাউন্টির ক্লেটন ভিলেজে পানির উচ্চতা বেড়ে যাওয়ার কারণে দেখা দেয়া ক্ষয়ক্ষতি মোকাবেলার পাশাপাশি সেন্ট লরেন্স নদীর উপচে পড়ার সমস্যা দূর করতে এবং স্বাস্থ্য সংক্রান্ত সম্ভাব্য ঝুঁকি প্রতিরোধে সাহায্য করার জন্য গভর্নর ক্যাথি হোচুল আজ 2.4 মিলিয়ন ডলারের একটি প্রকল্পের নির্মাণকাজ শুরুর ঘোষণা দিয়েছেন। স্টেটের সংস্কার ও অর্থনৈতিক উন্নয়ন উদ্যোগ (State's Resiliency and Economic Development Initiative), বা REDI এর মাধ্যমে এই তহবিল প্রদান করা হয়েছে। 2019 সালে সেন্ট লরেন্স নদী প্লাবিত হওয়ার ফলে ক্লেটন ভিলেজের বর্জ্যপানি সংগ্রহ ও বিশুদ্ধকরণ প্ল্যান্ট এর সাথে সাথে রিভারসাইড ড্রাইভ (Riverside Drive) ও ইস্ট ইউনিয়ন স্ট্রিট পাম্প স্টেশন (East Union Street Pump Stations) নেতিবাচকভাবে প্রভাবিত হয়, অবকাঠামোর কিছু অংশ পানির নিচে ডুবে যায়, পাম্প করার সামর্থ্য সীমিত হয়ে পড়ে, এবং জীবাণুমুক্তকরণ প্রক্রিয়া ব্যাহত হয়।

এই প্রকল্পের নিরসনমূলক পদক্ষেপসমূহের মধ্যে রয়েছে বিদ্যমান ক্লোরিন কন্টাক্টকে একটি মধ্যম প্রবাহের লিফট স্টেশনে রূপান্তর করা এবং সমগ্র প্ল্যান্টের প্রবাহকে বিশুদ্ধকরণের জন্য ফিল্ট্রেশন/জীবাণুমুক্তকরণ ভবনকে বৃহত্তর ফিল্টার ও UV জীবাণুমুক্তকরণ সিস্টেম ব্যবহার করে সম্প্রসারিত করা। রিভারসাইড ড্রাইভ পাম্প স্টেশনের ভেজা কূপ সম্প্রসারণ করা হবে এবং শুষ্ক কূপে বাড়তি ধারণক্ষমতা সহ ড্রাই পিট সাবমার্জিবল পাম্প বসানো হবে।

"স্টেট ও স্থানীয় সরকারগুলো একসঙ্গে কাজ করলে কী ঘটে REDI কর্মসূচির অব্যাহত অগ্রগতি তারই সাক্ষ্য বহন করে," বলেছেন গভর্নর হোচুল। "এই অংশীদারিত্বের মাধ্যমে আমরা স্থানীয় অবকাঠামোগুলো সম্পর্কে পুনরায় ভাবা এবং সেগুলোর পুনরায় ডিজাইন করা নিশ্চিত করতে হাতে হাতে ধরে কাজ করে যাচ্ছি যাতে ভবিষ্যতে যখন পানির উচ্চতা বেড়ে যাওয়ার ঘটনা ঘটবে, তখন লোক ওন্টারিও ও সেন্ট লরেন্স নদী সংলগ্ন এলাকায় বসবাসকারী নিউ ইয়র্কবাসীরা প্রস্তুত থাকতে পারেন এবং আরো ভালোভাবে সুরক্ষিত থাকতে পারেন। ক্লেটন ভিলেজের প্রকল্পটি নির্মল

পানির অব্যাহত সরবরাহ নিশ্চিত করায় সাহায্য করতে জনস্বাস্থ্য ব্যবস্থা শক্তিশালী করা ও টেকসই অবকাঠামো তৈরির মাধ্যমে ঠিক এই কাজটিই করবে।"

পরিবেশ সংরক্ষণ বিভাগের (Department of Environmental Conservation)

কমিশনার বাসিল সেগোস বলেন, "পানির উচ্চতা বেড়ে যাওয়ার কারণে লেক ওন্টারিও ও সেন্ট লরেন্স নদী তীরের গুরুত্বপূর্ণ বর্জ্যপানি ব্যবস্থাপনার অবকাঠামোগুলো বার বার ক্ষতিগ্রস্ত হতে দেখা গেছে। আজকের ঘোষণার মাধ্যমে একটি প্রকল্পের নির্মাণকাজ শুরু হচ্ছে যা 2019 সালে ক্লেটন ভিলেজের বর্জ্যপানি সংগ্রহ ব্যবস্থাকে ধ্বংস করে দেয়া ক্ষয়ক্ষতি মেরামত করবে, এবং সেইসাথে ভবিষ্যতে বন্যা মোকাবেলা করে টিকে থাকার ক্ষেত্রে এটির সক্ষমতা উন্নত করবে। স্থায়ী বিনিয়োগের মাধ্যমে নিউ ইয়র্কের REDI কর্মসূচি কমিউনিটিগুলোকে আরো উন্নত ও আরো শক্তিশালী করে গড়ে তুলছে।"

এনভায়রনমেন্টাল ফ্যাসিলিটিস কর্পোরেশন (Environmental Facilities Corporation,

EFC) এর প্রেসিডেন্ট ও CEO জোসেফ র্যাভিতো বলেন, "বন্যার কারণে সেন্ট লরেন্স নদীর পানি উপচে পড়া প্রতিরোধের জন্য কাজ করলে তা জলপথের ও পার্শ্ববর্তী কমিউনিটিগুলোর স্বাস্থ্য সংরক্ষণে সাহায্য করবে। REDI কর্মসূচির সহায়তায় নিউ ইয়র্ক স্টেটের মিউনিসিপ্যালিটিগুলোকে কম খরচে তহবিল ও অনুদান প্রদানের মাধ্যমে EFC আমাদের নদীতীরের দীর্ঘমেয়াদী টিকে থাকায় অবদান রাখে এমন গুরুত্বপূর্ণ অবকাঠামোগুলোর সুরক্ষায় সাহায্য করতে পারে।"

স্টেটের সিনেটর প্যাটি রিচি বলেন, "সাম্প্রতিক বছরগুলোতে ক্লেটন ভিলেজ প্রচুর সমৃদ্ধি লাভ করেছে, নতুন ব্যবসা ও সেন্ট লরেন্স নদীর সৌন্দর্য উপভোগ করতে আগ্রহী পর্যটকদের আকৃষ্ট করেছে। এই সমৃদ্ধি অব্যাহত রাখতে আমাদের একটি শক্তিশালী, নির্ভরযোগ্য অবকাঠামো থাকার বিষয়টি নিশ্চিত করতে হবে। এই প্রকল্পের কাজ শুরু হতে দেখে আমি আনন্দিত, যা শুধু ভিলেজের বর্জ্যপানি ব্যবস্থাপনা পদ্ধতিকেই শক্তিশালী করবে না, বরং জনস্বাস্থ্য ও সেন্ট লরেন্স নদীকেও সুরক্ষিত রাখবে।"

অ্যাসেম্বলিমান মার্ক ওয়ালজিক বলেন, "যদি আমরা ভবিষ্যতে বন্যা মোকাবেলার জন্য জলাভূমির কাছাকাছি থাকা কমিউনিটিগুলোর প্রস্তুত থাকার বিষয়টি নিশ্চিত করতে চাই, তাহলে আরো ক্ষতি হওয়া প্রতিরোধ করার একমাত্র উপায় হলো আঞ্চলিক অবকাঠামোতে কৌশলগত বিনিয়োগ করা। ক্লেটন ভিলেজের পানি সংগ্রহ ব্যবস্থা ও বিশুদ্ধকরণ প্ল্যান্ট এবং আশেপাশের পাম্প স্টেশনগুলো শক্তিশালী করলে তা জনস্বাস্থ্য সুরক্ষা এবং আমাদের জলপথ পরিষ্কার রাখার ক্ষেত্রে একটি উল্লেখযোগ্য পার্থক্য তৈরি করবে।"

জেফারসন কাউন্টির লেজিসলেচার চেয়ারম্যান স্কট গ্রে বলেন, "REDI কর্মসূচির মাধ্যমে আমরা জেফারসন কাউন্টির নদীতীরের কমিউনিটিগুলোতে নিউ ইয়র্কের স্টেট পর্যায়ের সংস্থাগুলোর সাথে ইতিবাচক অংশীদারিত্ব দেখতে পেয়েছি। এসব অংশীদারিত্বের মাধ্যমে আমরা আরো ভালোভাবে নির্মাণ করছি, গুরুত্বপূর্ণ সম্পদগুলো উন্নয়ন ও প্রতিস্থাপন করছি। ভবিষ্যতে যদি বন্যা হয়, তাহলে জেফারসন কাউন্টির কমিউনিটিগুলো আরো মজবুত, আরো শক্তিশালী অবকাঠামো নিয়ে আরো ভালোভাবে প্রস্তুত থাকবে।"

ক্লেটন ভিলেজের মেয়র নরমা জিমার বলেন, "ক্লেটন ভিলেজের পক্ষ থেকে আমি REDI প্রকল্পের কর্মী ও NYS-এর প্রতি এই কর্মসূচি শুরু করার জন্য ধন্যবাদ জানাতে চাই, যা আমাদের জন্য আমাদের বর্জ্যপানি বিশুদ্ধকরণ প্ল্যান্ট এই গুরুত্বপূর্ণ উন্নয়নগুলো সম্পন্ন করা সম্ভব করে তুলছে। আমাদের অবকাঠামো উন্নয়ন এবং আমাদের ঐতিহাসিক ডিস্ট্রিক্টকে রূপান্তর করার স্টেটের একাধিক প্রচেষ্টা ক্লেটনকে অব্যাহতভাবে একটি গন্তব্যস্থল এবং বসবাস ও কর্মসংস্থানের একটি চমৎকার স্থানে পরিণত করেছে।"

অন্টারিও হ্রদ এবং সেন্ট লরেন্স নদীর তীরে বন্যার প্রসারিত ধাঁচের প্রতিক্রিয়ায়, REDI তৈরি করা হয়েছিল যাতে উপকূলীয় সম্প্রদায়ের স্থিতিস্থাপকতা বৃদ্ধি পায় এবং এই অঞ্চলে অর্থনৈতিক উন্নতি মজবুত হয়। স্থানীয় অগ্রাধিকারসমূহ, ঝুঁকিপূর্ণ অবকাঠামো ও অন্যান্য সম্পত্তি, এবং জনসাধারণের নিরাপত্তা সংক্রান্ত উদ্বেগসমূহ শনাক্ত করার জন্য আটটি কাউন্টির (ন্যায়াগ্রা ও অরলিন্স, মনরো, ওয়েইন, কায়ুগা ও ওসওয়োগো, এবং জেফারসন ও সেন্ট লরেন্স) প্রতিনিধিদের নিয়ে পাঁচটি REDI আঞ্চলিক পরিকল্পনা কমিটি গঠন করা হয়েছিল। REDI কমিশন বাড়ির মালিকদের সহায়তার জন্য 20 মিলিয়ন ডলার, ব্যবসার স্থিতিস্থাপকতা উন্নত করার জন্য 30 মিলিয়ন ডলার এবং আঞ্চলিক ড্রেজিং প্রচেষ্টার জন্য 15 মিলিয়ন ডলার বরাদ্দ করেছে যা REDI অঞ্চলের আটটি কাউন্টির প্রত্যেককে উপকৃত করবে। অবশিষ্ট 235 মিলিয়ন ডলার স্থানীয় ও আঞ্চলিক প্রকল্পের জন্য বরাদ্দ করা হয়েছে যা REDI মিশনের অগ্রগতিতে সহায়তা করে এবং একে দৃষ্টান্ত হিসেবে তুলে ধরে।

2019 সালের বসন্তে REDI প্রকল্প প্রতিষ্ঠার সময় থেকে এখন পর্যন্ত REDI এর অর্থায়নে 133টি স্থানীয় ও আঞ্চলিক প্রকল্প পরিচালিত হচ্ছে, যার মধ্যে 89টি প্রকল্প নকশা প্রণয়নের পর্যায়ে রয়েছে, 18টি প্রকল্পের নির্মাণকাজ চলছে, এবং 26টি প্রকল্পের কাজ সম্পন্ন হয়েছে।

আরো তথ্য, প্রজেক্ট প্রোফাইল এবং REDI সংক্রান্ত সংবাদের জন্য [এখানে](#) ক্লিক করুন।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)